

Rabu, 28 April 2021

Ogen: 1 Samuel 20:11-17

"Kelilingi diri anda hanya dengan orang-orang yang mengangkat anda lebih tinggi". Enda sada hal simenyemangati kita guna lebih maju ras rukur si mehuli. Ula erteman ras kalak si la ndukung kita tapi ras kalak si mereken kesempatan kita maju, adi banci radu ras majulah kita.

Banci saja lit nge keluarganta, temanta erdahin ras sekelewetta ercian ate lalap man banta ibas prestasi sidatken kita, tambah fasilitas pemere Dibata man banta, sie pe banci ka nge ipersoalkenna entah pe icemburuina. Tentu adi lit bage siman alanken kita latih ukurta, kata penyemangat enda mabai kita gelah erteman ras kalak si rukur positif si ndukung kita ibas kerina dampar kegeluhenta. Teman si setia enda me siniperluken kita, teman si la terjeng ngukurken keuntungan ibas pertemanenta tapi uga banci setia ibas suka duka, ndarami teman si bage labo menukah tapi menaken arah dirinta jine ngasup jadi teman si setia man kalak sideban, ndukung ras menyemangati katawari paksa kegeluhenta guna kiniulin kalak sideban.

Bege me pertemanen antara Daud ras Jonatan siisuratken ibas I Samuel 20 : 11-17, lawes ia ku mbalbal ije ia erpadan ibas pertemanenna nina Tuhan Dibata nu Israella si jadi saksinta, uga kerna perukuren Raja Saul Bapa Jonatan adi lit surana erbahan jahat man Daud maka Natan mpeseh berita e man Daud maka ia banci selamat ras mejuah-juah. Perpadanen enda ilakokenna erkiteken enggo ndekah ia erteman, janah Jonatan selaku teman si setia lebih njaga pertemanen na ras Daud asangkan ras Bapana, sabab ietehna lit ukur bapana si ilat nandangi Daud. Adi siukurken genduari, lit denga nge perukuren bagi Jonatan enda ibas pertemanen. Relatna ia mpeseh berita adi lit sura-sura si la mehuli ibas bapana nari, guna nelamatkan Daud selaku teman sisetia